

Dieđut Pedagogalaš – psykologalaš bálvalusa birra

Pedagogalaš-psykologalaš bálvalus (PP-bálvalus)

Pedagogalaš-psykologalaš bálvalus (oaniduvvo dávjá PPB dahje PP-bálvalus) lea gieldda dahje fylkkagieldda rávvenbálvalus. Dan olis veahkehit mánáid, nuoraid ja ráves olbmuid, geain leat váttisvuodát ovdánemiin, dahje geain lea váttis oahppandilli.

PP-bálvalusa olis galget ee. rávvet ja bagadit mánáidgárddiid ja skuvllaid dan hárrái mo lámčit dilálašvuodaid mánáide/nuoraide, geat dárbbasit heivehuvvon fáladaga.

PP-bálvalus galgá veahkehit skuvllaid heivehit oahpahusa ohppiide, geain leat erenoamáš dárbbut.

PP-bálvalus lea jávohisvuodageatnegasvuoda vuollásaš. Máná/oahppi dieđut eai beasa almmolašvuhtii, eaige addojuvvo ovddos guvlui váhnemiid dohkkeheami haga. Máná/oahppi dieđuid seailuhit sierra journálas/máhpas, mii meannuduvvo Diehtobearráigeahču njuolggadusaid vuodul.

Maid PP-bálvalus bargá?

PP-bálvalus guorahallá, rávve ja bagada mánáid, nuoraid ja ráves olbmuid hárrái, geaid hástalussan leat

- giella- ja hállanválttisvuodát
- oppalaš oahppanválttisvuodát dahje váttisvuodát dihto fágain
- lohkan- ja čállinválttisvuodát
- matematihkkaválttisvuodát
- konsentrenválttisvuodát
- sosiála ja emotionála váttisvuodát
- láhttenválttisvuodát
- oaidnin- ja gullanválttisvuodát

Mo váhnen váldá oktavuoda PP-bálvalusain?

Ovdal go válddát oktavuoda PP-bálvalusain, berret háleštit dearvvašvuodastašuvnna/mánáidgárddi/skuvlla bargiiguin dan birra, man ektui leat fuolastuvvan iežat máná beales. Badjel 15-jahkásaš oahppit sáhttet maid ieža gulahallat PP-bálvalusain. PP-bálvalus sáhttá maid veahkehit ráves olbmuid, geat háliidit vuodđoskuvlaoahpu.

Sihke olbmot ja ásašusat (mánáidgárddi, skuvla ja earát) sáhttet nama haga gulahallat PP-bálvalusain ja jearrat ráđi.

Jos dárbbasuvvo eanet veahkki PP-bálvalusain, de sáhttá máná/oahppi čujuhit PP-bálvalussii. Čujuheapmi dahkkojuvvo dábálaččat sierra čujuhanskoviin, geahča iežat gieldda/fylkkagieldda ruovttusiiddus. Váldde oktavuoda mánáidgárddiin/skuvllain, dat sáhttet veahkehit du deavdit čujuhanskovi.

Earát, geat sáhttet čujuhit PP-bálvalussii:

- Mánáidgárdi, skuvla ja ráves olbmuid oahpahas.
- Dearvvašvuođastašuvdna ja buohcceviessu, go váhnemat dasa mihtet, jos máná/oahppi ii leat vel deavdán 15 jagi.

Oahppi dahje váhnemat sáhttet gáibidit skuvlla dahkat dárbbášlaš guorahallamiid ja dan láhkai gávnnahtit dárbbášago oahppi erenoamáš oahpahas, ja vejolaččat makkár oahpahas oahppi dárbbáša.

Mo PP-bálvalus bargá?

PP-bálvalus bargá ovttas ee. mánáidgárddiiguin ja skuvllaiguin, ja heiveha fálladaga máná/oahppi eavttuide ja dárbbuide. PP-bálvalusa áššemeannudeami sáhttá juohkit golmma muddui:

1. *Guorahallan*

Go PP-bálvalus oažžu čujuheami, de lea dábálaš gulahallat váhnemiiguin ja mánáidgárddiin ja skuvllain dan hárrái, masa sii háliidit veahki. Ságastallamiin/jearahallamiin, dárkumiin ja iskkademiin PP-bálvalus háhká dieđuid, vai ožžot nu ollislaš gova go vejolaš máná/oahppi eavttuin ja dárbbuin. Guorahallama lágidit mánáidgárddis, skuvllas dahje PP-bálvalusa lanjain.

2. *Áššedovdi árvvoštallan/ávžžuhus*

Guorahallama vuodul PP-bálvalus čállá áššedovdi árvvoštallama (čálalaš raportta), mas sáhttet ávžžuhit mo galgá heivehit mánáidgárddi dahje oahppodili máná/oahppi eavttuide. PPB addá áššedovdi ávžžuhusa. Dábáleamos suorggit leat vuollái skuvlaahkásaš mánáid erenoamášpedagogalaš veahkki ja ohppiid erenoamášoahpahas.

3. *Čuovvuleapmi*

PP-bálvalus sáhttá čuovvulit dan láhkai, ahte dat rávve/bagada váhnemiid, mánáidgárddi bargiid ja skuvlla oahpaheddjiid. PP-bálvalus sáhttá lágidit doarjjaságastallamiid ohppiin, ja vejolaččat árvvoštallat viidáseappot čujuheami.

PP-bálvalusa barggu vuodđun lea oahpahasláhka, ee. dát paragrafat:

§ 5-1 *Vuoigatvuohta erenoamášoahpahasii*

§ 5-3 *Áššedovdi árvvoštallan*

§ 5-4 *Áššemeannudeapmi erenoamášoahpahas mearrádusa oktavuodas*

§ 5-6 *Pedagogalaš-psykologalaš bálvalus*

§ 5-7 *Erenoamášpedagogalaš veahkki ovdal skuvlaagi*